



Cronfa'r Degwm

Welsh Church Fund

(o dan Ddeddfau'r Degwm 1914 – 1945 a Deddf Llywodraeth Leol (Cymru) 1993 / under the Welsh Church Fund Acts 1914 – 1945 and the Local Government Act (Wales) 1993)

Canllawiau

1. Beth yw'r Gronfa Degwm?

Mae Gronfa'r Degwm yn deillio o Ddeddf Eglwysi Cymru 1914. Mae Cyngor Gwynedd yn gweinyddu'r gronfa ac yn dosbarthu llog o'r gronfa ar ffurf grantiau yn flynyddol i **elusennau cofrestredig** yng Ngwynedd.

Rhaid i bob grant fod mewn cytgord â Chynllun Elusennol Cronfa Degwm Cyngor Gwynedd. Mabwyswyd canllawiau pellach er mwyn diffinio meysydd a mathau o ymgeisydd a fydd yn debygol o dderbyn ystyriaeth, er y gall Panel Ymgynghorol Grantiau Cist Gwynedd (sydd bellach yn penderfynu ar geisiadau) wneud eithriadau mewn achosion teilwng sydd y tu allan i'r canllawiau arferol ond sydd mewn cytgord â'r Cynllun Elusennol

Mae Cronfa'r Degwm yn gronfa o arian cyfalaf a refeniw. Disgwylir i'r dyraniadau gefnogi prosiectau sydd yn cryfhau ac yn datblygu cwmnïau a mentrau yn y sector wirfoddol. Y bwriad yw galluogi'r sector wirfoddol i chwarae rôl gyflawn yng nghymunedau Gwynedd drwy adlewyrchu un neu ragor o'r **amcanion** canlynol:

- (i) Hybu gwybodaeth a gwerthfawrogiad o gelfyddydau a llenyddiaeth Cymru
- (ii) Darparu neu gynorthwyo i ddarparu cyfleusterau ar gyfer adloniant neu weithgarwch amser hamdden arall;
- (iii) Hybu diddordeb pensaernïol, hanesyddol neu wyddonol sy'n ymwneud a Chymru;

2. Pa lefel grant y gellir ei ddyfarnu?

Croesawir ceisiadau hyd at £3,000.00

Lle rhoddir grant, ni fydd y gronfa yn ystyried ceisiadau am gymorth gan yr un corff am gyfnod o 3 mlynedd o ddyddiad y cais blaenorol.

3. Pa fath o brosiectau a fyddai'n bosib i'r Gronfa gefnogi?

Disgwylir i geisiadau fod yn seiliedig ar gynlluniau neu wasanaethau newydd sydd yn cyflawni amcanion pendant ac amlwg.

a) Enghreifftiau o brosiectau a fyddai yn bosib i'r Gronfa gefnogi:

Gweithgareddau Celfyddydol a Llenyddol

- Sefydlu, ail-gyflenwi llyfrgelloedd, amgueddfeydd, orielau neu arddangosfeydd celfyddydol, gwyddonol neu ddiwydiannol
- Darparu darlithoedd, arddangosfeydd ac offer
- Caffael, cadw a chyhoeddi archifau a dogfennau
- Prosiectau sydd yn ymwneud a llenyddiaeth, celfyddydau llwyfan, celfyddydau cain, llenyddiaeth a/neu gerddoriaeth.

Gweithgareddau Hamdden, Cymdeithasol ac Adloniant

- Darparu neu gynorthwyo i ddarparu meysydd chwarae, parciau, lleoedd agored, canolfannau neu neuaddau ar gyfer gweithgareddau hamdden
- Darparu offer
- Costau hyfforddiant i wirfoddolwyr
- Costau yn gysylltiedig a gweithgareddau newydd ar gyfer pobl hyn/ pensiynwyr

Gweithgareddau Hanesyddol

- Sicrhau a chadw tir neu wrthrychau sydd o ddiddordeb arbennig mewn perthynas â gwyddoniaeth pensaernïaeth neu hanes naturiol
- Prynu, trwsio, diogelu, dehongli a/neu arddangos creiriau
- Darparu cyfleusterau neu gyfleoedd addysgol ym myd hanes/ treftadaeth
- Cefnogi astudiaeth ac ymchwil i bynciau sy'n gysylltiedig â hanes, topograffeg, llenyddiaeth a bywyd Cymru
- Gwaith cynnal a chadw ar adeiladau sydd wedi rhestru neu sydd heb eu rhestru ond gyda chysylltiadau hanesyddol neilltuol
- Deunydd dehongli ar gyfer adeiladau o ddiddordeb hanesyddol a/neu bensaernïol

b) Gweithgareddau na fydd y Gronfa yn ariannu:

- Ni roddir grantiau tuag at weithgareddau crefyddol neu sectyddol, nac at adnoddau a ddefnyddid yn bennaf ar gyfer y gweithgareddau hynny.
- Ni fydd grant yn cael ei roi ar gyfer gwaith cynnal a chadw arferol a rheolaidd adeiladau nac i gynnal gweithgareddau / gwasanaethau arferol neu barhaol.
- Ni ystyrir ceisiadau oddi wrth Bapurau Bro.
- Ni chaniateir ceisiadau personol na cheisiadau er budd unigolion yn uniongyrchol.
- Ni chaniateir grant er mwyn cynnal swydd.
- Ymweliadau tramor
- Gweithgareddau addysgol statudol

4. Pwy all ymgeisio am gefnogaeth?

Ystyrir ceisiadau am grant oddi wrth **elusennau cofrestredig yn unig.**

Mae'n rhaid cyrraedd y meini prawf canlynol os am geisio am arian drwy'r gronfa:

- Rhaid bod yn elusen gofrestrdedig sydd wedi ei leoli neu yn gweithredu o fewn Gwynedd;
- Ni all eich mudiad ddosbarthu elw;
- Rhaid i'ch mudiad fod a statws cyfreithiol a chyfansoddiadol;
- Rhaid i'ch mudiad fod a strwythur rheoli clir;
- Rhaid i'ch mudiad gael sistem rheolaeth ariannol glir
- Bod ag egwyddorion gweithredol sydd yn cyd-fynd a deddfwriaeth ar gyflogaeth, iechyd a diogelwch, cydraddoldeb i weithwyr a gwirfoddolwyr;

- Dangos dealltwriaeth ac ymrwymiad i gydraddoldeb yn gysylltiedig â mynediad, iaith, diwylliant, rhyw a materion ethnig;
- Yn meddu ar amcanion a nodau sydd yn cyd-fynd a gweithgareddau ariannir drwy'r grant yma;
- Dangos bod grwpiau ac unigolion eraill yn yr ardal yn cefnogi'r gweithgaredd/cynllun;
- Rhaid dangos bod egwyddorion gwerth am arian wedi eu dilyn wrth ddatblygu, gweithredu a rhedeg y cynllun, megis eich bod yn dilyn y Cyfarwyddiadau Gwahodd Prisiau (gellir cael copïau gan Swyddfa Cist Gwynedd) ar gyfer y gwaith/gwasanaeth, yn enwedig yn y cynlluniau cyfalaf;
- Bod egwyddorion gweithredol yn eu lle sydd yn cyd-fynd a deddfwriaeth amddiffyn plant ac oedolion bregus.

Os mai hyrwyddo crefydd yw prif nod eich grŵp, cysylltwch ag Uwch Swyddog Cist Gwynedd

Bydd yn ofynnol ar bob cynllun a gymeradwyir i gydymffurfio â thelerau ac amodau'r gronfa. Mewn rhai amgylchiadau gellir gosod amodau arbennig ar gynllun.

5. Sut i ymgeisio am grant?

Gellir gwneud cais ar gyfer Gronfa'r degwm drwy lenwi'r ffurflen gais pwrpasol. Mae'n bwysig eich bod yn dilyn y cyfarwyddiadau yn ofalus ac yn sicrhau bod eich cynllun yn ymateb i'r canllawiau a'r meini prawf.

Mae swyddogion Cyngor Gwynedd ar gael i gynnig arweiniad i chi. **Awgrymir yn gryf y dylid cysylltu gyda Swyddog i drafod y cynllun cyn ymgeisio.** Mae manylion y Swyddogion Cefnogi Cymunedau a'r ardaloedd hyn isod:

Dalgylch Bro Peris, Bro Llew/Nantlle/Bro Ffestiniog

markgahan@gwynedd.llyw.cymru rhif ffon 07901 893006

Dalgylch Caernarfon/ Bangor a Bro Ogwen

dafydddeinionjones@gwynedd.llyw.cymru rhif ffon 01248 605 276

Dalgylch Pwllheli a Penllyn

alyslloydjones@gwynedd.llyw.cymru rhif ffon 01758 704/120

Bro Dysynni, Ardudwy a Dolgellau

annalewis@gwynedd.llyw.cymru rhif ffon 01341424504

Bala Penllyn, Porthmadog a Penrhyndeudraeth

lindseyellisedwards@gwynedd.llyw.cymru rhif ffon 07919024025

Neu am unrhyw wybodaeth arall ffoniwch Uwch Swyddog Cist Gwynedd 01286 679153

Cistgwynedd@gwynedd.llyw.cymru .

6. Pryd y dylid gwneud cais?

Mae'r gronfa yn agor ar y 5 Fehefin 2023. 'Rydym yn hapus i dderbyn ceisiadau i'r gronfa hon am lai 'na £1,000 ar unrhyw adeg a bydden yn anelu i brosesu ceisiadau o'r fath o fewn 4 wythnos gwaith.